

Rota Tambur. Lezana.

Rota in una Valentina 28. Novembr. verb. Communicatio, Sorbus ibidem. Tamburin. de iure Abbatum tom. 1. diff. 1. 15. quest. 18. num. 35. Lezana verb. Privileg.

5. Clement. Trident.

Contra nos rigide opponitur quaedam Clementina, & Concilium Tridentinum, qua singillatim sunt explicanda, qua explanatione data inde nostra sententia magis firmatur, ac roboratur.

Clementina.

6. Clement.

Clementina prima de sententia excommunicationis, disponitur, quod Religiosi observent In terdictum; cum cathedralem, vel matricem, seu Parochialem loci Ecclesiam, illud viderint, aut sciverint observare. At praefata Clementina loquitur de Interdicto generali, ut ibi expresse dicitur: Qui generalia interdicta violare presumpunt. Et iterum ibidem: In generalibus cessationibus. Deinde, si Ecclesia Cathedralis, Matrix, seu Parochialis loci interdictum non observat, iam tale Interdictum simpliciter non est generale, ut Clementina postulat, dicens: civitatum, terrarum, & aliorum locorum generalia interdicta presumpcione damnabili violare presumpunt; ergo si interdictum non est generale, de quo agit Clementina, iam Regulares non tenentur illud observare.

7.

Et distributiva Textus nihil facit contra nos, sed maxime corroborat nostram sententiam: Cathedralis, vel Matricem, seu Parochialem loci: Cathedralis est ubi Episcopus residet, illiusque sedes est, Matrix, ibi communiter datur, quando ibi non datur Ecclesia Cathedralis: Et est major Ecclesia, & Baptismalis, tanquam mater aliarum Ecclesiarum, ut habetur Glossa ibid. verb. Matricem; sane explicant Rebuff, de decimis, quest. 6. n. 6. & 7. Moneta in simili tract. cap. 7. n. 3. Bonac. de censur. extra Bullam Cana, disp. 8. quest. 8. punct. 14. num. 6. & multi alii; & colligitur ex cap. 1. de prescriptionibus; & ex cap. Transmissio. 10. eodem titulo, Parochialis loci est quando est unica in loco, verbi gratia, quando in uno oppido est una tantum Ecclesia Parochialis; quando vero in tali loco, seu civitate sunt multae Parochiae, nulla illarum absolute potest dici Parochia loci, verbi gratia, quia in hac civitate Ulyssip. sunt 38 Parochiae, S. Nicolai Parochia non potest dici Parochia Ulyssipponensis, sed una ex Parochiis illius, ut notant Sayrus lib. 3. de censur. cap. 33. Rodrig. tom. 2. quest. 109. art. 5. Pellizar. tom. 2. tract. 7. cap. 2. num. 187.

Glossa. Rebuff. Monet. Bonac.

Sayrus. Rodrig. Pellizar.

8.

Ex quibus bene inferitur, quod quando in una civitate, vel loco extant multae Parochiae, & nulla ex eis est Cathedralis, vel Matrix, omnes sunt aequales, & nulla ex eis est peculiariter Parochia loci, proindeque si ponatur interdictum in una, in cuius districtu est Ecclesia Mendicantium, non tenentur observare tale Interdictum. Ita habet Glossa ad citatam, Clem. verb. Matricem ad finem, Navar. in manuali, cap. 27. num. 146. & citat Cardipalem, Panormitanum, & Immolam Covarr. cap. Alma, Mater, 2. p. §. 1. Sylvester verb. Interdictum, quest. 3. Toletus in summ. lib. 1. cap. 9. num. 15. Avila de censuris p. 5. dub. 3. concl. 2. Plonius

Glossa. Navar. Cardinal. Panorm. Immolam. Covarr. Sylvester. Toletus. Avila. Plonius.

tract. de Interdicto in princip. n. 2. Azor. tom. 1. Azor. lib. 2. cap. 13. §. 18. Tamburin. de iure Abbatum tom. 2. disp. 26. quest. 3. Praterea, Bonacina de censuris in particulari, disp. 2. quest. 8. punct. 14. n. 7. & 17. M. Fr. Antonius ab Spiritu sancto; nunc Episcopus Angolensis, iam citatus in directorio Confessor. tract. 12. disp. 5. sect. 1. n. 736. & etiam in directorio Regul. p. 1. tract. 2. disp. 2. num. 100.

Tambur. Bonacio.

Fr. Anton.

Dices ex doctrina Suarii tom. 5. ad 3. part. disp. 22. sect. 2. n. 9. & Alteri disp. 1. de interdicto cap. 4. dub. 2. & aliorum, quod quando interdictum ponitur in una Parochia, & etiam ejus ambitu, & districtu tale interdictum est generale, ac proinde conventus existentes in tali districtu tenentur observare ipsum interdictum.

Suar. Alcerus.

Respondetur tale, interdictum posse dici generale secundum quid per respectum ad unam Parochiam; Clementina autem loquitur de interdicto generali simpliciter, & absolute, agit enim de interdicto observato a cathedrali, vel Matrice; Ecclesia Cathedralis communiter, ac ordinari non datur nisi in civitate, in qua sunt multae Parochiae, Matrix Ecclesia, ut ait Glossa in major Ecclesia Baptismalis, tanquam mater aliarum Ecclesiarum. Ac proinde supponitur, quod ibi sint aliae Ecclesiae baptismales, & parochiales, ac proinde ad observandum interdictum non sufficit, quod sit in una Parochia, & ejus ambitu, ac insuper requiritur, ut sit observatum, a Cathedrali, ac Matrice, seu Parochiali loci, quod tunc datur, quando est unica in loco, non vero quando in tali loco sunt aliae plures, quia ut jam dixi, Parochia S. Nicolai in hac civitate Ulyssipponensi, non est parochia civitatis, seu loci, sed est una ex parochiis hujus civitatis, seu loci, ut observant Sayrus, Rodriguez, Pellizar. proxime citati.

10.

Glossa.

Sayrus. Rodrig. Pellizar.

Adverre tamen, quod quamvis Clementina praedicta videatur restringere privilegia Mendicantium, ac Religiosorum quoad interdictum, tamen etiam eis concessit magnum privilegium, ut non teneantur illud observare, nisi quando tale interdictum fuerit generale, & Cathedralis, & Matrix illud observat, & etiam parochialis, quando est una, & unica in loco; ut patet ex proximè dictis.

Concilium Tridentinum.

Sacrum Concilium Tridentinum ita habet sess. 25. cap. 12. De Regularibus Censura, & interdicta, nedum a Sede Apostolica emanantia, sed etiam ab Ordinariis promulgata, mandante Episcopo, a Regularibus in eorum Ecclesiis publicentur, & serventur. Triplaciter ad Concilium respondeo:

12. Trident.

Primo; valde bona, & praecleara est sententia, & in usu servata, quod sacrum Concilium in praedicto loco non derogat privilegia Mendicantium, ut tenent multi viri doctissimi, & maxime timorari, Henriquez lib. 13. cap. 48. num. 1. & 2. Rodrig. tom. 2. quest. 112. art. 3. Sayrus de censur. lib. 5. cap. 13. num. 24. & 25. Ioan. a Cruce de statu Relig. cap. 7. dub. 2. conclus. 2. Sorbo in compend. verb. Interdictum, n. 3. Medina lib. 1. Instit. cap. 11. §. 13. concl. 2. Medina, Miranda

13.

Henriq. Rodrig.

Sayrus. A Cruce.

Sorbus. Medina.

Miranda

Miranda. Homobon. Peirin.

Miranda in manuali, tom. 2. quest. 37. num. 12. Homo bonus quest. 25. Resol. 1. Peirinus in compend. Privileg. Clericorum Regul. Titulo Interdictum in scholiis, §. 2. sciendum est; M. Lezana tom. 1. cap. 9. num. 29. Alterus disp. 1. cap. 4. conclus. 9. & 10. Hieron. Rodrig. Resol. 8. num. 25. Pellizar. tom. 2. tract. 8. cap. 5. sect. 2. n. 97.

Lezana.

Hier. Rodr. Pellizar.

14.

Fundamentum est, quia Concilium citato loco proposuit quandam dispositionem generalem, absque ulla clausula derogatoria; & sacrum Concilium directione Spiritus sancti, omnia disposuit, ac ordinavit suprema, & alta consideratione; & quando apposuit clausulam derogatoriam: Non obstantibus quocumque privilegio, non obstantibus quibuscumque; ut sess. 23. cap. 8. de reformat. & sess. 24. cap. 11. Et si pe alius locis, & quia tunc tali clausula adhibita voluit derogare privilegia; & quando illam non posuit, noluit talem facere derogationem; & cur in aliquibus praefixit clausulam, & non in aliis, quia in his decrevit non inferre derogationem, sicut in prioribus; unde praclare ait Suar. lib. 8. de legib. num. 17. loquens de Concilio Tridentino: Probabile enim est, non omnia, quae illi sunt contraria esse per illud revocata, sed illa tantum, quae expresse revocantur a Concilio per clausulam non obstantibus; & propterea interdictum illa clausula additur, interdictum non additur.

Suar. Trident.

15.

Quod satis efficaciter confirmatur, quia privilegia Mendicantium sunt remuneratoria, ut planum est apud omnes, ob magna obsequia, quae praedictae Religiones perolverunt erga Ecclesiam in conversione, ac utilitate animarum. Et privilegia remuneratoria non derogantur per clausulas communes, ac generales sed per speciales, ac specificas, Atilius cap. 9. de Indictibus, num. 12. Abbas consil. 1. ad finem, & cap. Pervenit de immunitate Ecclesiae, num. 24. Bartol. in l. Quis simul ff. de Decreto ab ordine faciendo; & in l. 1. cap. de his, qui sponte, lib. 10. Alexander lib. 2. conclus. 216 in princip. Ordilandus conclus. 266. nu. 7. & late cum multis, quos citat, ac sequitur Tiraq. in l. si unquam, verb. Donacione largitur, num. 13. & Suar. lib. 8. de leg. cap. 37. Salas disputacione 20. de leg. lib. 2. sec. 14.

Atilius.

Bartol.

Alexand. Orland. Tiraquel. Suar. Salas.

16.

Lezana. Pellizar.

Deinde, ut bene notant Lezana, & Pellizar. & alii communiter, quod Concilium Tridentinum tantum fecit derogationem in illis, qui se maxime gloriabantur de privilegio concessio, ut in nullo casu observarent interdictum etiam generale, quamvis illius essent causae, ipsique interdictum foverent, ut Equites sancti Joannis de Malta, & dicunt etiam praedicti Auctores, privilegia aliarum Religionum relicta fuisse intacta, ac suo robore.

17.

Secundo respondeo ad Concilium, quod loquitur de Interdicto Generali, non vero speciali, ac particulari; & haec resolutio ad id est solida, & vera, ut rarus sit Doctor, sive Theologus, sive Canonista, qui expresse, & aperte dicat Concilium loqui de interdicto speciali, cum solum loquatur de Interdicto Generali, & pro ea adduco viginti quatuor Doctores, ex quibus multi dicunt esse omnium communem, Henriquez de Interdicto, cap. 24. in Glossa Avila de censuris, part. 5. disp. 1. dub. 5. Adverto autem, Suarez de censuris, disp. 32. sect. 2. n. 26. Sayr. de censur. lib. 5. cap. 13.

Henriq. Avila. Suarez. Sayrus.

num. 24. Coninch. disp. 18. de Interdicto, num. 19. Filliacius tom. 1. tract. 17. cap. 1. num. 10. Bonac. disp. 5. de censur. in communi, punct. 1. num. 21. Ballaeus verb. Interdictum, num. 8. Villalobos part. 1. tract. 19. disp. 1. num. 4. Joannes a Cruce, de statu Religioso, lib. 2. cap. 7. concl. 2. Emmanuel Rodrig. tom. 2. quest. 109. art. 2. Lezana verb. Interdictum, num. 5. & 9. Hieron. Rodrig. Resol. 80. num. 7. M. Conejo tom. 2. tract. de Interdicto, disp. 1. dub. ad finem Pellizar. tom. 2. tract. 7. cap. 4. sect. 2. num. 9. Fragosus tom. 2. lib. 1. disp. 2. §. 3. n. 20. Vivaldos de Interdicto, n. 162. Cafarubius verb. Interdictum, num. 15. Furradus de Interdicto, different. 5. num. 14. Laurent de Peirinis tom. 1. consil. 26. Leonis X. num. 26. Escobar verbo interdictum, §. Anguianus de Anguian. leg. disp. 5. sect. 4. num. 17. Castro Palaus part. 5. Palaus. Compend.

Coninch. Filliac. Bonacina. Ballaeus. Villalobos. A Cruce.

Rodrig. Lezana. Hier. Rodrig.

Cornejo. Pellizar. Fragosus. Vivald. Cafarub. Furradus. Peirina. Escobar. Pellizar.

Anguian. Palaus. Compend.

Fundamentum est, quia Concilium conformatur, cum cap. Si civitas de sententia excommunicationis, in 6. Ubi Pontifex determinat, quod Regulares observent interdictum generale: Ne vilipendi valeat sententia interdicti; ut ait Textus, quia cum civitas generaliter interdicatur; si Religiosi januis apertis habent suas Ecclesias, & saeculares confluant ad eas; maxime enervatur vis interdicti, & tota efficacia illius illusoria fit, absque ullo effectu ut notant ibi Glossa, Felinus, Immolam, & alii, quod inconveniens non intervenit in interdicto speciali, quia si una Parochia, v. g. Angelorum, interdicta est, Parochiani illius intra civitatem faciliter possunt accedere ad alias Parochias circumstantes, v. g. S. Nicolai, S. Christophori; ergo jus Canonicum, & Concilium loquuntur de Interdicto Generali, non vero speciali.

18.

Glossa. Felinus. Immolam.

Secundo, valido, & firmo fundamento sic probo: sacrum Concilium, fecit quandam dispositionem generalem absque ulla clausula derogatoria, ex quo certissime inferitur, quod nullam fecit abrogationem in jure Canonico; nam tale jus non abrogatur per dispositionem communem, ac clausulas generales, sed speciales, ut adductis multis locis juris, teneat Glossa in Authentica, quia, C. ubi de crimine, & C. & verb. Illis omni privilegio, & Glossa in Glossa, l. Hares absens, ff. de judiciis, verb. Excusatur; & Glossa 1. in l. 3. C. de silentiariis, l. 10. & late ex multis probat Jafon in l. 1. C. soluto matri. Jafon. Felinus. Menoch. Orlandus.

19.

Jafon. Felinus. Menoch. Orlandus.